

Uunga siunnersuut:

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaannik allannguineq

(Suliffimmik sungiusarfeqarani inuussutissarsiutinik ilinniartitsinermut akuerineqarnissamut periarfissaq)

§ 1

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersumi Inatsisartut inatsisaata nr. 3, 4. juni 2012-imi aammalu Inatsisartut inatsisaata nr. 15, 12. juni 2019-imi allanngortinneqartumi imatut allannguisoqarpoq:

1. § 2, imm. 1, imatut oqaasertalerneqarpoq:

"Tunngaviusumik inuutissarsiutinik ilinniartitsineq tassaavoq paarlakaattumik ilinniarneq, sungiusarluni sulinerup ilinniarfimmiinnerullu paarlakaaffigisaat. Tunngaviusumik inuutissarsiutinik ilinniartitsinermut ilaapput tunngaviusumik ilinniartitsissutit, ilinniartitsissutit suliamut tunngasut, ilinniartitsissutit immikkut ittu aamma ilinniartitsissutit nammineq toqqarneqarsinnaasut."

2. Kapitali 3-mi qulequtaq imatut oqaasertalerneqassaaq:

"Ilinnialernissamut piumasaqaatit akuerisaanissarlu"

3. § 7, imm. 1-mi "imm. 2-4" imatut allanngortinneqassaaq: "imm. 2-5".

4. § 7 imm. 3-p kingorna immikkoortutut nutaatut ilangunneqassaaq:

" Imm. 4. Tunngaviusumik inuutissarsiummik ilinniakkamik aallartitsinissamut piumasaqaataavoq, qinnuteqartoq lærlingitut imaluunniit ilinniartinneqarnissamik isumaqatigiissuteqarsimanissa, taamaattorli § 7 a tak."

Imm. 4 aamma 5 taava imm. 5 aamma 6-nngussapput.

5. § 7-ip kingorna una ikkunneqarpoq:

" **§ 7 a.** § 7, imm. 4 naapertorlugu lærlingetut imaluunniit ilinniartinneqarnissamik isumaqatigiissuteqarnissamut piumasaqaat naammassineqanngikkaluartoq qitiusumik inuussutissarsiutinillu ilinniarfitt tunngaviusumik inuutissarsiummik ilinnialernissamut qinnuteqartunut akuersisassapput

1) § 10, imm. 4 naapertorlugu sungiusarluni sulineq ilinniarfimmi ingerlanneqassappat, imaluunniit

2) Naalakkersuisut akuerereerpagu ilinniartitaanermi pineqartumi § 5, imm. 3, naapertorlugu

ilinniartitsinermut pilersaarummi aalajangersarneqassasoq ilinnialertussamik
akuersisoqarsinnaasoq naak qinnuteqartup ilinnialernissamut akuerineqarnerani lærlingitut
imaluunniit ilinniartinneqarnissamik isumaqatigiissuteqarsimanngitsoq.

*Imm. 2. Lærlingetut imaluunniit ilinniartinneqarnissamik isumaqatigiissuteqarnissamut
piumasaqaatitaqanngitsumik ilinniartitsinermut pilersaarummik akuersissuteqarnissamut
Naalakkersuisut piumasaqaatit erseqqinnerusut aalajangersarsinnaavaat, tassunga
piumasaqaataalluni ilinniarfik kingusinnerusukkut ilinniarnerup ingerlanerani ilinniartut
suliffimmik sungiusarfissaannik imaluunniit tassunga assingusumik, assersuutigalugu
ilinniarfimmi sulinermik misiliinermik, aaqqissuussissasoq.”*

§ 2

Inatsisartut inatsisaat ulloq 1. august 2023 atuutilissaaq.

Namminersorlutik Oqartussat, ulloq xx. xx 2023

Múte Bourup Egede
Naalakkersuisut Siulittaasuat